

B. N. C
FIRENZE
1069
31

1069. 31

JOANNIS
COMMIRII
E SOC. JESU
HYMNI
SACRI.



[Faint, illegible text]

[Faint, illegible text]

[Faint, illegible text]

[Faint, illegible text]

[Faint, illegible text]

[Faint, illegible text]

[Faint, illegible text]





H Y M N I

IN S. MARTINUM

TURONENSEM EPISCOPUM

Ad singulos ejus Festivitatum dies
compositi.

DIE FESTO TRANSITUS,
& per Octavam.

11. Novemb.

HYMNUS I.



OLENNE poscit Canticum
Festiva MARTINI dies.

Cantemus : in Regis decus
Cedunt honores militis.

Nam, CHRISTE, munus est tuum,
Quòd ille tantus extitit;
Ipsisque ^a par Apostolis
Tot claruit miraculis.

Parent ^b egeno Cæsares,
Tremunt inermem barbari,

^a Sulp. Severus, Odo Clun.

^b Valentinianus Imp. &c.

4 H Y M N I

Verbo fugantur dæmones,
Mors victa leges accipit.

Illo monente, Gallia
Fregit deos quos fecerat:
Jovisque fulmen despuens
Vero Tonanti serviit.

Nunc urbibus cunctis, Turo,
Hoc invidenda Præsule,
Testare latis plausibus
Cælo Beatum vivere.

Sit Trinitati gloria,
Cujus fidem, tres mortuos
MARTINUS Orco retrahens,
Miris modis confessus est.

H Y M N U S II.

C O G I ^a piget, sub Cæsaris
Vexilla, Christi militem:
Plus laureis victricibus
Juvat Crucis ludibrium.

Pius, pudicus, temperans,
Spernens opes, & gloriam,
In criminum licentia
Conservat innocentiam.

Brumæ ^b furenti fidere,
Durata quo stant flumina,
Artus rigent; sed cor sacri
Flammis amoris æstuat.

Quæ sola restabat chlamys,
Hanc ense stricto dividit;

^a Martinus Sabariæ Pannoniarum an. 316. natus, pro-
dente patre miles factus est an. 332. *Baromus.* an. 326. inter
Catechumenos fuerat adscriptus,

^b In porta Ambianensium civitatis, postea ad Baptismum
convolvit. *Sulp. Sev. in ejus vita.*

Lætus, regendo pauperem,
Vestisse Regem cælitum.

In hac triumphans pûrpura
Se Christus ostentat suis:
Munusque MARTINI polo,
Ingens tropæum, devehit.

Sit Trinitati gloria,
Cujus fides est gratia,
Confessioque sanctitas,
Et visio felicitas.

HYMNUS III.

PACEM^a precantur barbari,
MARTINE, ceu prædixeras:
Nulloque tinctam sanguine
Cedunt tibi victoriam.

I sancte mundi transfuga,
Profana castra desere:
Dati memorque nōminis,
Soli Deo nunc milita.

Sub Pictonum pio duce,
Disces Arium vincere;
Plagasque temnens ac necem,
Christi decus defendere.

At, b quā licet, cultu Jovis
Vera parentes immori.
Si contumax perit pater,
Matris saluti consules.

^a Anno 356. apud Vangionum civitatem (*Vormes*) cū missionem peteret, servatur barbaris, qui in Gallias irruerant, inermis objiciendus. Hi postera die Juliano Cæsari sese dedunt. Ille militiā solutus Pictavum se confert ad S. Hilarium. *Sulp. Sev.*

^b Nec multo post Pannoniam repetit, ut patriam parentesque à gentilitatis absolvat errore. *Sulp. Sev.*

Sit Trinitati gloria,
 Divina cujus gratia
 Reis remittit crimina,
 Justis rependit præmia.

HYMNUS IV.

PERFUSUS ora lacrimis^a
MARTINUS astra suspicit:
 Et in beato patriæ
 Defixus obtutu gemit.

O mors, ait, quid tamdiu
 Differs levare vincula!
 Amore Christi saucium
 Privare vitâ munus est.

Quid tu minaci gutture,
 Draco cruento, sibilas?
 Redi sub umbras Tartari:
 Me lucis aula devocat.

Et vos, flagrans quos caritas
 Mihi dat esse filios,
 Fletu molesto parcite
 Tardare patris gaudia.

Quòd si tamen nostros adhuc
 Orbis labores exigit:
 Jam lauream preusans manu,
 Reddar libenter prælio.

Sic fortis, & suppar sibi,
MARTINUS usque perstitit,
 Nec pro Deo timens mori,
 Sed nec recusans vivere.

^a In Cendatensi Diocesis sua vico, febre exstinguitur an.
 Christi 397. ætatis 81. Episcopatus sui 26. mensibus 4. die
 8. Novembris. Corpus ejus Turonos relatum sepelitur in
 Polyandrio publico, 550, ab urbe passibus. *Greg. Turon. Al-*
cinus.

Honor tibi sit Trinitas,
 Quæ visa servulos beas :
 Tuâ repletos gratiâ
 Donans potiri gloriâ.

HYMNUS . V.

NON opum, Christi pugilem, cûpido,
 Non honor tangit : calicemque frustra
 Porrigit, dulci malè temperatum
 Felle, voluptas.

Sunt a domus rupes, lapides cubile :
 Fons sitis, furfur famis est levamen :
 Tegmen hirsutum lacerat caducos,
 Non fovet artus.

Sic sui fortis domitor phalanges
 Proterit longo Stygias duello :
 Terque de victa spoliū reportans
 Morte triumphat.

Arbitro ^b belli sua fabulosus
 Tempa Mars cedit. neque jam Tonanti
 Debitas vero tenet impudicus
 Juppiter aras.

Sub jugum Christi populos volentes
 Blanda vis cogit. Pudor est, jubentis
 Cuncta dum parent elementa voci,
 Esse rebelles.

Fac, Dei proles Deus, ut fideli
 Illius ductum studio sequamur,
 Et mori fortes, docilesque vitæ
 Ferre laborem.

Spiritus laudent Triadem beati ;
 Thure mortales celebrent & hymnis :

a Episcopus cûm esset, Monasterium duobus extra civi-
 tatem millibus, quod Majus vocatur, sibi statuit. *Sulp. Sev.*

b Apostoli per Galliam munere fungitur. *Sulp. Sev.*

8 H Y M N I
Iphius laudi quoque gens opaci
Serviat Orbi.

DIE FESTO TRANSLATIONIS

Corporis B. Martini, quo die, & per Octavam, ejus in Episcopum Turon. ordinatio, & Basilicæ dedicatio celebrantur.

HYMNVS I.

4 Julii.

ERGO reliquias Præfulis inclyti
Cespes vilis habet? Corpora Tartari
Cum devota rogis pyramides regant,
MARTINO tumulus deest!

Non a hoc Perpetui relligio ferat,
Impensis operum parcere nescii:
Non fulvæ rutilas jungere laminæ
Gemmas b Eligius sciens.

At non, si niteat marmore candido
Delubrum Solymis arcibus æmulum,
Turritumque caput nubibus inferat,
Tanto par erit hospiti.

Si gazas Arabum, si Phrygias opes,
Et baccas, spoliū divitis Indiæ,
Includas loculo, non tamen hic satis
Cælestem deceat virum.

a S. Perpetuus Turonensis Episcopus sublata veteri, ingentem S. Martini nomine Basilicam dedicat, in eamque transfert B. corpus 4. Nonas Julii an. Christi 472. Greg. Sigebert.

b S. Eligius Noviomensis Episcopus Dagoberto Francorum Rege impensas præbente, pretiosissimam Thecam consecit 7. Ecclesiæ sæculo, S. Audœnus in vita S. Eligii.

Illi sola Dei regia sufficit :
 Justas unde preces, vota que supplicum
 Exaudit facilis. Spes quoque vincere
 Ultro muneribus studet.

Nostris, SANCTE, procul finibus exige
 Pestes atque famem, bella que tristia ;
 Et quidquid prohibet vivere liberos
 Castæ pacis in otio.

Æterno sit honos perpetuus Patri :
 Sit par bis genito gloria Filio :
 Sancto laus parilis Spiritui sonet,
 Sacris omnibus ac locis.

HYMNUS II.

FRUSTRA latebras expetis,
 MARTINE, Sol nescit tegi.

Tibine vivas unicè
 Natus saluti gentium ?

En tota passim Gallia
 Sacris profanis deditur :
 Turoque diris undique
 Obsessa monstris ingemit.

Ergo a pedum manu cape,
 Lupos Averni dissipa ;
 Ovesque pastor devias
 Cæli reduc in pascua.

Per saxa dumis horrida,
 Per alta quære montium,
 Ægras leva, fer debiles,
 Vitæ redona mortuas.

Pro credito tibi grege
 Quid non laboris perferes ?
 Torum paratus sanguinem
 Ejus saluti fundere.

a Episcopus consecratur an. 371. *Græg. Turon.*

Jugis tibi sit gloria,
Mundi creatrix Trinitas:
Quæ te tuis Præconibus
Cælo fruendam detegis.

HYMNUS III.

Qui & diæ festo Translationis Capitis B.
Martini canendus.

MA R T I N I cineres, ossaque Tartaro
Formidata, coli festa jubet dies.

Fumet thuribulis Assyrius vapor,

Lætis æra strepant sonis.

Cives ite boni; deposito metu,

Sacris relliquiis oscula figite:

Exornate novis fercula floribus,

Castis spargite lacrimis.

Accedant, mala quos ulcera, quos febres,

Morborumque cohors, funere tristius,

In luctu subigunt, inque doloribus,

Ævum ducere languidos.

Felici melior jam feretro salus

Membris adveniet. vitæque, viribus

Naturæ domitis, è tumuli sinu

Se mirabitur egredi.

Dulces exuvix, præsidium piis

Quas Christus populis, & decus addidit:


Ergo sacrilegis hæreticus a furor

Prædam vos dabit ignibus?

a Patratum fuit hoc scelus 8. Calendas Junii Carolo IX.
Rege, anno salutis M. D. LXII. sic Epigraphæ apposita in dex-
tro latere Eccl. S. Martini Turon.

Sed nil impietas barbara promoves.
 MARTINO rabie crescit honos tuâ.
 Vivo defuerat laurea Martyris,
 Illam mortuus obtinet.

Æternus sit honos ingenito Patri :
 Proli bis genitæ par quoque sit decus :
 Nec divine tibi , Spiritus , omnibus
 Desit gloria sæculis.



DIE FESTO SUBVENTIONIS

B. Martini , cùm Turo ab Hastingo Dano-
 rum Duce obsessa , S. Præfulis ope
 liberata est.

12. Maii.

GALLICÆ gentis pater atque custos ,
 Flammeis virtus super astra pennis
 Quem tulit ; vultu placido clientum
 Annue votis.

Festa lux , prisce memores triumphi ,
 Ad tuam pigros vetat esse laudem ;
 Cùm Deo per te Turo salva gestit
 Solvere grates.

Patria Danus veniens ab Arcto ,
 Urbis ad muros tibi dedicatæ
 Barbarus , præda stimulante , sævis
 Stabat in armis.

Non minax vallum , fluviisque latis
 Innatans fossis , mora sunt furori.
 Pugnat incassum numero coacta
 Cedere virtus.

Jam ferus summas tenet hostis arces :
 Nulla spes victis , pavidumque vulgus

A vj

Ante resperfas lacrimis, Patronum
Invocat, aras.


Supplices audis : Geticasque vindex
E triumphali a feretro catervas
Manibus pellis procul, & superbo
Cum duce frangis.

Hinc honor campis, ubi sacra tanti
Fert domus nomen, titulumque b Belli,
Te, tot in damnis, vicibusque rerum,
Præsides tura.

Laus Patri rerum domino perennis :
Par decus Nato, Patre non minori :
Æquus amborum sit honos Amori,
Omne per ævum.

a Capsa & Corpus B. Martini manibus imposita.

b Gallicè S. *Martin le Beau*. Ibi *Hastings* cum copiis
deletus est.



DIE FESTO REVERSIONIS

Corporis B. Martini è Burgundia.

13. Decemb.

HYMNVS I.

MARTINI reditu psallite Virgines,
Votivum pueri dicite canticum.

MARTINUM reducem tinnula nuncient
Festis æra sonoribus.

Burgundis procul hinc finibus exulem
Nunc tandem lacrimis urbs revocat piis.
Pompæ magna sacræ pars Comes a inclytus,
Gratum pondus ovans subit.

a Ingelgerius Comes Andegavenſis corpus B. Martini
Autisiodoro retulit, *Qdo Clunac*.

Aræ par locus mirificæ, suum
 Latè prodigiis signat iter novis.
 Bruma ver media floret, & induit
 Sertis arva nitentibus.

Accensæ subito lumine lampades
 Produnt insolitis gaudia motibus.
 Morbi diffugiunt : se quoque sanitas
 Vel nolentibus ingerit.

Turpi pauperiès quos alit otio,
 Et lucrosa foveat ulcera desides,
 Sanari metuunt : sed refugos salus
 Detestata præoccupat.

Votis solliciti nos melioribus,
 Imploramus opem, sancte Pater, tuam.
 Exaudiſque bonus : nec finis irritas
 Spes vanescere supplicum.

His pro muneribus perpetuas decet
 Divinæ Triadi reddere gratias :
 Triplex quam meritis mundus honoribus
 Numquam tollere desinit.

H Y M N U S I I.

CUR in remotis tamdiu,
 MARTINE, terris exulas.
 Redi : tuæque recrea
 Mæſſas oves præſentiâ

Qui te fugavit a Barbarus
 Jam sponte victus supplicat :
 Plenusque Christi numine,
 Huic bella soli suscipit.

Redi : Turo florum patens
 Tibi roſas & lilia,
 Tibi coronas lenibus
 Aptas triumphis destinat.

a Rollo Normannorum Dux Christianus jam factus.

Venis. adesse sentiunt
 Levata morbis corpora.
 Latos & adventus tui
 Miracula cives admonent.

O ut beatum dulcibus
 Pignus salutant osculis !
 Pias eunt in lacrimas
 Soluta corda gaudio.

Fac, **SANCTE**, nobis hunc diem
 Semper venire prosperum,
 Tuoque da sub nomine
 Feliciter quiescere.

Sit Trinitati gloria :
 Quæ, quos abegit patriâ
 Gentile crimen exules,
 Reponit inter Cælites.



DIE FESTO TRANSLATIONIS

Capitis B. Martini è sepulcro in vas aureum, an. 1323. annuente Joanne XXII. Sum. Pont. postulante, ac præsentè Carolo Pulcro Rege.

2. Decemb.

FELIX Sepulcrum, quo salus
 Et vita mundo profluunt :
 Quousque nobis invida
 Sub nocte **MARTINUM** teges ?
 Ni, sponte laxato sinu,
 Das ejus aspectu frui :
 Votis favens ferrum piis
 Perrumpet obstantes moras.

Audimur : è busto caput
Præsul beatus extulit :
Solemque Sole clarior
Majore vincit lumine.


Curvate colla , Principes :
Tibique , Rex , ne sit pudor
Illius ad vestigia
Insigne regni ponere.

Hic est Patronus Galliæ ,
Francique tutor Imperi ,
Quo protegente Lilia
Florere nunquam desinent.

At vos , Ministri Numinis ,
Offerte pacis victimam :
Et pro recepto munere
Grates ad aram solvite.

Sit Trinitati gloria ,
Sermonibus quam vindicans
MARTINUS & miraculis ,
Adeptus est in præmium.





I N

SANCTUM GILDARDUM

Rotomagenscm Archiepiscopum. 11.

HYMNVS I.

SOL diem festum populis reduxit
 Quo Stygis victor, domitaque felix
 Morte GILDARDUS superas triumphum
 Egit in arces.

Ille majorum titulos, & aulæ
 Divitem pompam generosiore
 Ambitu fugit, pretiosa Christi
 Probra securus.

Corpus & duro tenerum cubili
 Et fame vexans, Cilicumque setis
 Tristibus, blanda sibi ne noceret
 Peste voluptas.

Ingeni dotes pius, & disertæ
 Copiam linguæ, calamumque cæli
 Melle rorantem, Domini tuenda
 Lege sacravit.

Senferas vocis, CLONOVÆ, pondus,
 Cum Deos calcans, & avita sacra,
 Mille curvasti rutilam coronis
 Sub Cruce frontem.

Tuque, quam cura propiore servat,
 Neustriæ Mater : quoties probasti,
 Perditis jamjam peritura rebus,
 Numen amicum ?

Ergo Pastori meritum rependit.
 Grex memor cultum, duce quo beatos
 Sperat æternum dominantis Agni
 Cernere vultus.

Laus Patri rerum domino perennis:
 Par decus Nato Patre non minori:
 Æquus amborum sit honos Amori
 Omne per ævum.

HYMNUS II.

O Neustriæ clarum caput,
 Amata cælo civitas
 Pastore GILDARDO, licet
 Cunctis eas superbior.

Præfaga veri somnia
 Quem nunciaverunt patri,
 Micantis instar sideris,
 Lucem daturum gentibus.

Vitæ sub ipso limine
 Jam sanctitatis indices,
 Mirante mundo, præbuit
 Gestu notas & moribus.

In corpus asper innocens
 Pio rigore sævit.
 Infomniis, fame, siti,
 Nutrita floret castitas.

Frustra nitor fallax opum,
 Aulaque lubricus favor,
 Certant movere pectora,
 Scuto Fides quæ protegit

Victor Stygis, victor sui,
 Christi triumphatos jugo,
 Cultu relicto Numinum,
 Cum Rege Francos subjicit.

Fons vive rerum Trinitas,
 Quæ visa GILDARDUM beas,
 Perennibus te sæculis
 Dona fruendam servulis.

HYMNUS III.

NE flete, cives, ne Deum
 Urgete mæstis questibus.

Pastoris amissi vices
 Alter subit præstantior :

Cura fideli qui gregem
 In læta ducat pascuæ,
 Longeque raptores lupos
 Avertat ex ovilibus.

Exempla verbis prævia
 Hortantur efficacius.


Quà sanctus Antistes præit
 Plebem puderet non sequi.

Justis bonus, clemens reis,
 Cunctisque factus omnia,
 Illis piandis victimam
 Præbere se non abnuit.

O digna palmis caritas !
 Cruenta mors si defuit,
 Non defuere præmia :
 Fecit voluntas Martyrem.

Fons vive rerum Trinitas,
 Quæ visa GILDARDUM beas,
 Perennibus te sæculis
 Dona fruendam servulis.





I N

SANCTUM PERFECTUM,

Martyrem Cordubensem.

HYMNVS.

FELICE celebrem nominis omine
 PERFECTUM canimus. Corduba, fer tuo
 Flores indigeri : plaudite, Cælitæ,
 Vestri Civis honoribus :

Qui molles fugiens delicias puer,
 Claustræ militiæ se dedit asperæ,
 ACISCLOQUE tulit sub duce nobilem
 Victa de Styge lauream.


Hic cælestis opes dum Sapientiæ
 Immensas avido pectore colligit,
 Aris rite sacris additur, hostiam
 Dignus ferre Deo Deum.

Gentis perfidiam nec Mahumedicæ
 Verbis & calamo frangere destitit :
 Audax pro patriis religionibus
 Quidvis & facere & pati.

Frustra, Maure ferox, vincula Martyri,
 Frustra mille cruces, mille rogos paras.
 Quot plagis aperis viscera, tot vias
 Illi pandis ad æthera.

Æternus sit honos ingenito Patri :
 Sit par unigenæ gloria Filio :
 Sanctæ Cor Triadis personet omnibus
 Cæli regia sæculis.





IN

SANCTAM URSULAM,
ET SOCIAS

VIRGINES ET MARTYRES.

HYMNU S.

SI quid virginitas, & bene prodigum
Vitz martyrium vos movet; URSULAM
Clara voce ducem dicite Virginum:
Matrem dicite Martyrum.
Quam Regum veteri stemmate nobilem;
Regalis thalamos dum peteret proci,
Felix naufragium sub melioribus
Junxit auspiciis Deo.
Terras Armoricae jam prope tangere
Dotales poterat; cum subitus rates
Turbo disjiciens, versus inhospita
Rheni reppulit ostia.
Prædæ certus adest, ac vetita face
Obscænis Scythiæ miles inæstuat,
Et de classe sibi barbarus unica
Promittit spoliū duplex.
Captivusne decor, & dominos tremens
Ullo vim redimet munere Castitas?
Ni divinus Amor, doctæque vincere
Mundum subveniat Fides.
Turpes blanditias horret amantium,
Contemnit furias tela minantium:
Vincit morte sua flagitio cohors
Vitam quærere nescia,

O felix tua fors, URSULA! Virginum

Quot tecum pelago millia duxeras,

Tot, cæli superas ingrediens domos,

Ducis millia Martyrum.

CHRISTI, mixta rōsis lilia quem juvant,

Et multo rutilæ sanguine laureæ,

Puræ pura capant oscula Virgines,

Laudent vulnera Martyres

Æternus sit honos ingenito Patri:

Sit par unigenæ gloria filio:

Sanctæ Cor Triadis personet omnibus

Cæli regia sæculis.





IN

S S. LIBERATUM,

AMANDUM,

VICTOREM,

ET COLUMBAM,

MARTYRES.

HYMNVS.

FELIX quadriga Martyrum,
 Quæ purpurata sanguine
 Gaudes, triumpho nobili,
 Portare Regem Cælitum.

Si quid Dei jam compotes
 Tangit salus clientium,
 Audite quas fundunt preces
 Ad vestra proni corpora.


Amoris ô dudum sacri
 Mactata telo victima,
 AMANDE, quàm tecum juret
 Mori beato vulnere !

Tu LIBERATE, qui jugo
Mortalitatis liber es,
Nobis supernæ protinus
Jus civitatis impetra.

Tu, cui tuum victoriæ
Nomen fuit præsagium,
Fac, VICTOR, ut palmas quoque
Victis feramus hostibus.

Dignata virginalibus
Cælestis Agni nuptiis,
COLUMBA, cæli dextero
Monstra volatu semitam.

Sit Trinitati gloria,
Quæ quos replevit gratiâ,
Suosque fecit milites,
Coronat inter Martyres.



I N

S A N C T A M S A T U R N I N A M,

Virginem & Martyrem,


H Y M N U S.

NAM quò præcipitas immemor heu ! tui,
S A T U R N I N A, gradum ? Matris ab ubere
Vix depulsa, frui luce data negas,
Et serò metuis mori.

Non hæc membra feræ sufficiunt neci.
Deerit carnifici, quem feriat, locus :

Et cultros niveo pectore profluens
Lac plus quàm cruor imbuet.

Sed te cogit amor virginis in thorum
 Sponsi per gladios ire, per & rogos,
 Et quâ purpurea signat iter cruce,
 Hunc gaudens properas sequi.
 I felix : tenero corpore non diu
 Pœnas ferre potes ; vincere sed potes.
 Tantò purior & gratior hostia,
 Quantò temporiùs cadis.
 Æterno sit honos perpetuus Patri :
 Sit par bis genito gloria Filio :
 Sancto laus similis Spiritui fouet
 Scelis omnibus ac locis.



I N

SANCTUM AUGUSTINUM

Hipponensem Episcopum.

H Y M N U S I.

CUR erubescis, Africa,
 Tot esse monstrorum parens ?
 Absterget hanc unum tibi
 Infamiam miraculum.
 Sol ortus à meridie,
 Per te venit mortalibus ?
 Fulgore qui quondam suo
 Orci tenebras dissipet.
 Surgentis astri lumine
 Uterque clarescet polus ;
 Et vim benignam sentiens
 Huic thura mundus offeret.

O ter beati ! prævia
 Queis lampas A U G U S T I N U S est ,
 Vago deerrent ne pede
 Per sæculi caliginem.
 Rerum Creatori sonent
 Hymnum perennem Cælites :
 Qui castitatem M O N I C A
 Tali beavit filio.

H Y M N U S II.

I S ergo desertor Dei ,
 Is castitatis transfuga ,
 Pressus jugo cupidinis
 Qui servit , A U G U S T I N U S est !

Timete quæ statis polo
 Minora casum Sidera :
 Sol iste , plus æquo sibi
 Confusus , umbris mergitur.

Quid ingeni divina vis ,
 Facundięque profuit ?
 Quid liberali quas opes
 Natura congestit manu ?

In crimen , in pœnas suas
 Hæc dona vertit insolens ,
 Vanamque per scientiam
 Nescire doctus est Deum.

Tu C H R I S T E , vultu respice
 Ovem benigno deviam :
 Et nos Beatorum gregi
 Per cuncta junge sæcula.



HYMNUS III.

JAM parce luctu, MONICA,
 Stabit fides oraculi:
 Perire non umquam potest
 Tot lacrimarum filius.

Quem parturisti tamdiu,
 Casto gemens sub pectore;
 Bis mater hunc nasci Deo
 Felicius lætaberis.

Sit Trinitati gloria
 Quæ MONICÆ suspiria
 Et lacrimas exaudivit,
 Natoque vitam reddidit.

HYMNUS IV.

TANDEM! rebellis pectoris
 Victrix triumphat Gratia,
 Ulcroque captivus jugum
 AURELIUS gestit pati.

O grata CHRISTI servitus!
 Quæ nos ab Orco vindicans,
 Et liberos verè facit,
 Cæloque cives asserit.

Da, Liberator unice,
 Vinculis solutis criminum,
 Carnisque fracto carcere,
 Regno Patris succedere.



HYMNUS V.

CURIS procul mortalium
Et sæculi tumultibus,
Negotioso destinās
In otio quiescere.

Opem tuam sed postulat
Periclitans Ecclesia,
Et vindicem te Gratia
Suos in hostes evocat.

Fac, ô Pater, Deum prece
Nobis tua placabilem:
Qui sanctitatis te dedit
Suis Ministrum servulis.

HYMNUS VI.

AURELIUS linguâ tonat,
Et ore vibrat fulgura:
Stiloque non parcit gravi
Urgere gentem perfidam.

Quos schismatis, vel hæresis
Armavit in CHRISTUM furor,
Cælestis omnes eloqui
Virtute fractos proterit.

Æterna, JESU, Veritas,
Ardensque semper Caritas,
Ecclesiæ fac in fide
Servemus ut concordiam.



HYMNUS VII.

RUENTIS, AUGUSTINE, fies
 Heu ! triste fatum patriæ,
 Et Numen iratum piis
 Lenire tentas lacrimis.

Frustra. Subire Vandali
 Crudele damnatur jugum :
 Ut quæ Deo non servit,
 Servire discat barbaris.

Hipponis haud tamen tui
 Mærens videbis funera :
 Ab hoste nam diro nefas
 Urbem capi, cui præsides.

Ergo parato fulmini
 Da morte felici locum :
 Pœnisque dimittens reos,
 Ad certa curre præmia.


Sit Trinitati gloria,
 Quæ fata mundi temperat,
 Solo rebelles atterens,
 Cælo fideles inferens.

HYMNUS VIII.

NU N c ex Olympi vertice
 Felicitatis jam satur,
 Deoque plenus, ô Pater,
 Nostros labores aspicias.

Oves tuas, Pastor, rege,
 Rudes, Magister, edoce :
 Servos Patronus protege,
 Sanctosque Sanctus effice.

Laus, qui creavit te, Patri,
 Et qui redemit, Filio,
 Cum Spiritu, qui te suo
 Replet, beatque numine.



I N
 S A N C T A M U R S U L A M
 E T S O C I A S
 V I R G I N E S E T M A R T Y R E S.

H Y M N U S I.

Q U A turba nuptialibus
 Permulcet aures canticis,
 Testes pudoris integri
 Cum liliis ferens rosas?

Agnosco Sponsas Virgines,
 Quæ, si sua negabitur
 Augere prole Galliam,
 Cælum replebunt civibus.

Ut Luna flammæ siderum
 Inter minores emicat:
 Sodalibus sic U R S U L A
 Cunctis præit formosior.

Et illa regali quidem
 Proco petita ducitur:
 Sed dignioris in thorum
 Meretur ire conjugis.

Fons sanctitatis Trinitas,
 Te deprecamur supplices,
 Nos U R S U L A consortio
 Ut des beato perfrui.

HYMNUS II.

PORTUM reſixis anchoris
 Pinus ovantes deſerunt :
 Tellus fugit, ſub palinulis
 Sulcata canent æquora.

Maſto parentes quâ licet
 Viſu ſequuntur pignora :
 Votiſque flentes anxiiſ
 Curſus precantur proſperos.

At-ecce cum magno ruens
 Fragore tempeſtas furit :
 Cæciſque quaſſas fluctibus
 Differt in incertum rates.

Nautis metu pallentibus,
 Secura perſtas, URSULA :
 Et turbidi maris minas
 Affixa calo deſpicis.

Nos, arbiter ponti Deus,
 Hujus per undas ſæculi
 Ducente donet URSULA
 Latos polum contingere.

HYMNUS III.

TAMDEM redit ſerenitas,
 Ventique miteſcit furor :
 Sed majus à portu venit
 In naufragas periculum.

Inhoſpitali litore
 Crudelis Hunnus excubat,
 Et morte pejus inſolens
 In Virgines parat nefas.

Averte, Proles Virginis,
Sponsis tuis ludibrium,
Et pura puris mentibus
Fac nos tueri corpora.

HYMNUS IV.

MILES decorum barbarus
Ut vidit agmen, restitit:
Prædæque captivus suæ,
Ex hoste factus est amans.

Cur ponitis vultus truces?
Cur arma dextris excidunt?
Horrent amari Virgines:
Plus vester iis furor placet.

Qui debilem turbam, Deus,
Flaminis novis accenderas,
Fac nostra puris ignibus
Ardere pro te pectora.

HYMNUS V.

QUO T fregit uno Castitas
Inermis hostes prælio!
Quot impiis de barbaris
Fides tropæa rettulit!

Non illecebris blandiens
Mentes voluptas molliit:
Non sæviens crudelitas
Præsentem leto terruit.

Sic, CHRISTE, quos tuo reple
Amore, fortes efficis.
Da cordibus nostris quoque
Peccatorem timorem caritas.



HYMNUS VI.

IO ! triumphat URSULA,
 Victrixque carnis & Stygis,
 Quam præferebat nomine
 Lauro revinxit tempora.

O mors beata ! proprio
 Quæ consecravit sanguine
 Tot castitatis hostias
 Et caritatis victimas.

Laus tibi sit, Rex Virginum,
 Laus tibi sit, Dux Martyrum,
 Mundans amore Virgines,
 Ungens cruore Martyres.

HYMNUS VII.

I, debitas cæli pete,
 Cohors triumphalis, domos,
 Terrasque viles deferens
 Æterna regna posside.

Et tu caduci non bene
 Thoro dicata Principis:
 Addisce jam castis frui
 Regnantis Agni nuptiis.

Olim tuo de nomine
 Gens sancta surget, fœdera
 Quæ respuens connubii,
 Æquabitur Cælestibus.


Ergo memento cum Patre
 Placare nobis Filium:
 Nec parce Sancti Spiritus
 Efflagitare munera.

HYMNUS VIII.

NUNC, ô Beata, supplicum
 Piiis favete cantibus,
 Rosasque mixtas liliis,
 Pudica dona, sumite.

Seu nos clientes dicere,
 Seu, quod sumus, servos placet,
 Sit in clientes caritas,
 Servi patronas sentiant.

Jesu Deo sit gloria,
 Qui dum triumphos URSLA
 Sodaliumque dicimus,
 Ad æmulandum provocat.



IN

SANCTUM NICASIMUM;

ROTOMAGENSEM EPISCOPUM

ET MARTYREM.

HYMNUS I.

CLARAM NICASII martyrio diem
 Exultans celebrat Cælituum chorus:
 Et nos lætitiâ, quâ licet, æmulis
 Promamus quoque canticis.

CLEMENTIS monitu, non sine numine,
 Linquens Italiam, limite Galliæ
 Extremo positis gentibus aureum
 Invexit Fidei jubar.

Umbrarum tumidus scilicet arbiter,
Mortales miseros nocte gravi premens,

Omne præcípites egerat in nefas.

Credi sic meruit Deus.

Ut signum rutilat mirificæ Crucis,

Orci diffugiunt monstra paventia :

Panchæisq; coli sueta vaporibus,

Ad pœnas redeunt suas.

Jam rerum domino Neustria serviens,

Dignis obsequium præstat honoribus.

Jam, sub N I C A S I O, Rotomagi levat

Victrix religio caput.

Nequicquam furiis percitus impios,

Fescenni, gladios stringis ; & horridæ,

Exterrere paras, mortis imagine,

Vitæ prodiga pectora.

Quantò plus feritas barbara sæviet,

Tantò se pietas efferet altiùs.

Fiet, de laceris Martyribus fluens,

Semen Christiadum, cruor.

Divinæ Triadis terra, polus, mare,

Non fictis resonent undique laudibus :

Quæ palmis decorat perpetuis necem.

Pro se, non timidos pati.

H Y M N U S II.

Q U Ò vos terror agit ? state coloni,

Serpentem, vacuis qui furit arvis,

Christi N I C A S I U S nomine fidens,

Armatuq; Crucis robore, vincet.

Sancti Pontificis, cernite, palmas

U t rictu placido lambere gestit !

U t molli tremulæ verberare caudæ

Blanditus, recipit vincula collo !

Jam non inficiet pestifer amnes :
 Non uret calidis flatibus herbam :
 Non carpens rabido corpora morsu ,
 Tetris interimet sparsa venenis.

En nullo periit saucius ictu ,
 Vis est tanta sacris addita verbis !
 Securi per agros ite coloni :
 Puri grata dabunt pocula fontes.

At tu , qui Stygium, CHRISTE , Draconem
 Extinxisse tuo sanguine gaudes ;
 Purga quod superest pestis avitæ ,
 Et tristi famulos eripe leto.

Sic , quacumque patet maximus orbis ,
 Te mortale genus semper adoret.
 Sic , Patri socio junctus amore ,
 Vivas , cunctaque per sæcula regnes.

HYMNUS III.

CLARE Martyr , sancte Præsul ,
 Neustriæ fiducia ,
 NICASI , prona clientum
 Aure voces excipe :
 Qui pio tibi dicatum
 Carmen ore concinunt.

Patriam , Deo monente ,
 Exul ultro deferens ,
 Obrutas gentes tenebris
 Lumen ad verum vocas.
 Crux triumphat , æque templis
 Vana pellit numina.

Præles hanc Christo profanus
 Invidet victoriam :
 Ultor & Jovis , cruenta
 Morte damnat Præsulem :

Nobilem cælo coronam
Sic parari nesciens.

Mira res ! caput recisum
Ferre Martyr cernitur.
Flumen obvios eunti
Sponte pandit gurgites.
Cælitumque structa curâ
Corpus ardes excipit.

Ite plebes, & beato
Consecratum pignore,
Ferte flores ad sepulcrum ;
Thus, faces, incendite.
Tantuli vobis redibit
Magna merces muneris.
Sempiterna sit Parenti
Sempiterno gloria :
Cultus æquævo perennis
Deferatur Filio :
Utriusque par Amori
Laus sonet per sæcula. Amen.

PARISIIS,

E Typographia GABRIELIS MARTINI,
viâ Jacobæâ, sub Sole aureo.

M. DC. LXXXIX.

Mc

